

SEDMIČNI PREGLED AKTIVNOSTI SUDA BIH

Odjel I, II i III
(15.6. – 19.6.2026.)

- Sud je 10.6.2026. u predmetu **Bojan Košarac (S1 2 K 034601 25 K)**, u postupku redovne kontrole opravdanosti trajanja mjere pritvora, van ročišta, donio rješenje kojim je utvrđeno da i dalje postoje okolnosti koje opravdavaju primjenu mjere pritvora optuženom **Bojanu Košarcu**.

Naredna kontrola mjere pritvora je predviđena za **10.8.2026. godine**.

- Odlučujući o prijedlogu Tužilaštva, Sud je 12.6.2026., u predmetu **Matija Stanišić (S1 3 K 054980 26 Kpp 2)**, donio rješenje kojim je prihvaćen prijedlog Tužilaštva i osumnjičenom **Matiji Stanišiću određen pritvor**, koji po ovom rješenju može trajati najduže mjesec dana, računajući od dana lišenja slobode osumnjičenog, odnosno do **11.7.2026. godine** ili do nove odluke Suda, a sve zbog postojanja posebnih pritvorskih razloga propisanih članom 132. stav 1. tačka a) Zakona o krivičnom postupku Bosne i Hercegovine (ZKPBiH).

Osumnjičeni se tereti da je počinio krivično djelo krijumčarenje ljudi iz člana 189. stav 2. KZBiH.

PONEDELJAK, 15. juna 2026. godine

- Odlučujući o prijedlogu Tužilaštva, Sud je 15.6.2026., u predmetu **Ravin Salayev (S1 3 K 054797 26 Kpp)** donio rješenje kojim je djelimično prihvaćen prijedlog Tužilaštva i osumnjičenom **Ravin Salayevu produžen pritvor** koji po ovom rješenju može trajati najduže **1 (jedan) mjesec** odnosno do **15.7.2026. godine** ili do nove odluke Suda, a sve iz razloga propisanog članom 132. stav 1. tačka a) ZKPBiH.

Osumnjičeni se tereti da je počinio krivično djelo krijumčarenje ljudi iz člana 189. stav 2. u vezi sa članom 26. Krivičnog zakona Bosne i Hercegovine (KZBiH).

- Sud je 15.6.2026., u predmetu **Ivan Vukoja (S1 2 K 051420 26 Ko)**, nakon održanog ročišta za razmatranje sporazuma o priznanju krivice i pretresa za izricanje krivičnopravne sankcije donio i javno objavio presudu kojom je optuženi **Ivan Vukoja oglašen krivim** da je radnjama opisanim u izreci presude počinio

krivično djelo nedozvoljen promet akciznih proizvoda iz člana 210a. KZBiH, u vezi sa članom 26. KZBiH.

Sud je optuženom izrekao uslovnu osudu kojom se utvrđuje kazna zatvora u trajanju od **šest (6) mjeseci** i istovremeno određuje da se utvrđena kazna neće izvršiti ako optuženi u roku od **jedne (1) godine**, od dana pravosnažnosti presude, ne počinu novo krivično djelo.

Optuženi je oglašen krivim što je, dana 22.2.2025. godine, oko 07:15 sati, na parking prostoru uz autocestu A1 Konjic-Sarajevo, u namjeri da neovlašteno stavi u promet proizvode za koje je znao da nisu obilježeni kontrolnim i poreskim markicama na način propisan poreskim zakonodavstvom Bosne i Hercegovine, htijući to, koristeći teretno motorno vozilo prevezio sitno rezani duhan bruto količine 398 kilograma, smještenih u prtljažniku pomenutog motornog vozila, a sve kako bi rezani duhan neovlašteno prodao na tzv. crnom tržištu.

- Na ročištu za izjašnjenje o krivnji održanom 15.6.2026. u predmetu **Selim Delić i drugi (S1 3 K 053289 26 Kps)**, optuženi **Amel Mušinbegović, Dženeta Hadžiosmanović, Aner Konjo i Nihad Nizić izjasnili su se da nisu krivi** za krivično djelo za koje se terete optužnicom Tužilaštva BiH – Organizovanje grupe ili udruženja za izvršenje krivičnog djela „Krijumčarenje migranata“ iz člana 189a., stav 3. Krivičnog zakona Bosne i Hercegovine (KZ BiH), u vezi sa stavom 1. KZ BiH i krivičnog djela „Krijumčarenje ljudi“ iz člana 189., stav 1, 2. i 4. KZBiH i članom 53. istog zakona.
- Odlučujući o prijedlogu Tužilaštva, Sud je 15.6.2026., u predmetu **Zdravko Šagolj (S1 2 K 054893 26 Ko)** donio rješenje kojim je prihvaćen prijedlog Tužilaštva i optuženom **Zdravku Šagolju produžene mjere zabrane** određene ranijim rješenjem ovog Suda i to:
 - **zabrana napuštanja boravišta;**
 - **zabrana putovanja i**
 - **zabrana sastajanja sa određenim osobama, a sve iz člana 126. ZKPBiH.**

Izrečene mjere zabrane po ovom rješenju mogu trajati dok za istim postoji potreba ili do drugačije odluke Suda. Kontrola opravdanosti trajanja izrečenih mjera zabrane vršit će se svaka dva (2) mjeseca.

Optuženi se tereti da je počinio krivično djelo organizovani kriminal iz člana 250. stav 2. KZBiH, u vezi sa krivičnim djelom neovlaštenu promet opojnim drogama iz člana 195. stav 1. KZBiH.

- Na ročištu za izjašnjenje o krivnji održanom 15.6.2026. u predmetu **Enes Muratović i drugi (S1 2 K 047663 25 Ko)**, optuženi **Ljubo Savić izjasnio se da nije kriv** za krivično djelo za koje se tereti optužnicom Tužilaštva BiH – udruživanje radi činjenja krivičnih djela iz člana 249. stav 2. KZBiH, krivično djelo nedopušten promet akciznih proizvoda iz člana 210a), te krivično djelo nedopušteno skladištenje robe iz člana 210b) istog zakona, a sve u vezi sa članom 53. (sticaj) KZBiH.

PREDMET	ROČIŠTE
Odjel II Zdravko Šagolj S1 2 K 054893 26 Ko	Ročište za razmatranje prijedloga Tužilaštva za produženja mjera zabrane nakon potvrđivanja optužnice
Odjel II Selim Delić i dr. S1 2 K 053242 25 Ko	Ročište za izjašnjenje o krivici
Odjel II Miloš Lučić i dr. S1 2 K 044522 24 K	Saslušanje četiri svjedoka po prijedlogu Tužilaštva
Odjel II Ivan Vukoja S1 2 K 051420 26 Ko	Ročište za razmatranje sporazuma o priznanju krivnje
Odjel II Enes Muratovic i dr. S1 2 K 047663 25 Ko	Ročište za izjašnjenje o krivnji
Odjel II Siniša Topić i dr. S1 2 K 044876 26 Kž	Sjednica vijeća Apelacionog odjeljenja
Odjel III Salayev Ravin S1 3 K 054797 26 Kpp	Ročište povodom prijedloga za produženje pritvora
Odjel III Saša Šebek S1 3 K 046495 26 K	Razmatranje sporazuma o priznanju krivnje

UTORAK, 16. juna 2026. godine

PREDMET	ROČIŠTE
Odjel I Milan Ninković S1 1 K 033157 19 Kri	Statusna konferencija

Odjel II Selim Delić i dr. S1 2 K 053242 25 Ko	Ročište za izjašnjenje o krivici
Odjel II Sanad Abdulwahada Hatem i dr. S1 2 K 052858 26 Ko	Ročište za poduženje mjere pritvora nakon potvrđivanja optužnice
Odjel III Marko Šuman S1 3 K 049678 26 Kps	Ročište povodom sporazuma o priznanju krivnje, nakon potvrđivanja optužnice

SRIJEDA, 17. juna 2026. Godine

PREDMET	ROČIŠTE
Odjel II Bojan Cvijetić i dr. S1 2 K 046336 23 K	Saslušanje optuženog u svojstvu svjedoka
Odjel II Selim Delić i dr. S1 2 K 053242 25 Ko	Ročište za izjašnjenje o krivici

ČETVRTAK, 18. juna 2026. godine

- Odlučujući o prijedlogu Tužilaštva, Sud je 18.6.2026., u predmetu **Marinko Predojević i dr. (S1 2 K 054823 26 Krn)** donio rješenje kojim je prihvaćen prijedlog Tužilaštva i osumnjičenom **Marinku Predojeviću produžen pritvor**, koji po ovom rješenju može trajati najduže **2 (dva) mjeseca**, odnosno do **18.8.2026. godine** ili do nove odluke Suda Bosne i Hercegovine, a sve zbog postojanja posebnih pritvorskih razloga propisanih članom 132. stav 1. tačka a) i b) ZKPBiH.

Osumnjičeni se tereti da je počinio krivično djelo neovlašten promet opojnim drogama iz člana 195. stav 2. u vezi sa stavom 1. Krivičnog zakona Bosne i Hercegovine.

PREDMET	ROČIŠTE
Odjel II Sejdin Šarić i dr. S1 2 K 050592 26 K	Nastavak saslušanja svjedoka po prijedlogu Tužilaštva, uz prezentiranje rezultata PIR-a
Odjel II Marinko Predojević S1 2 K 054823 26 Krn	Ročište povodom prijedloga Tužilaštva za produženje mjere pritvora

PETAK, 19. juna 2026. godine

PREDMET	ROČIŠTE
Odjel III Aner Konjo S1 3 K 046818 26 Kps	Ročište povodom sporazuma o priznanju krivnje, nakon potvrđivanja optužnice

NAJAVE ZA NAREDNU SEDMICU:

Za srijedu, 24.6.2026. godine:

- **Enes Muratovic i dr. (S1 2 K 047663 25 Ko)** – Ročište za izjašnjenje o krivici zakazano u 13:00 sati, sudnica 4.

Za petak, 26.6.2026. godine:

- **Ignjatović Dean (S1 2 K 051546 26 K)** – Ročište za početak glavnog pretresa zakazano u 09:30 sati, sudnica 3.

STATISTIKE

ODJELJENJE ZA PODRŠKU SVJEDOCIMA		
Odjel	Broj predmeta	Broj svjedoka
Ratni zločini	0	0
Organizirani kriminal	0	0
Opći kriminal	0	0

Broj održanih ročišta u sudnicama 3-9	18
Broj zahtjeva za izdavanje AV materijala (Odjeljenje za informiranje javnosti)	0

**Želite li biti uključeni na popis primatelja najnovijih obavijesti Suda BiH
ili izbrisani s njega, molimo vas da pošaljete e-mail na:
pios@sudbih.gov.ba**